

Dóstanu IT-zarjadnistwo

Dobre powěsće je wčera statny sekretar w saskim nutrkownym ministerstwje dr. Michael Wilhelm w Kamjencu wozjewił. Lessingowe město ma so takrjec z IT-centrumom sakskeho statneho knježerstwa stać.

Kamjenc (BG/SN). To samo najwjetši optimisća wčera wočakowali njeběchu, jako scěhowachu přeprošenje na nowinarsku rozmohu ze statnym sekretarom w saskim nutrkownym ministerstwje. W Kamjencu matej so hłowne zarjadnistwo Sakskeje informaciskeje služby Drježdžany (SID) a nowe kublanske srjedzišćo za IT zasydlit, a to w Schweitzerowym domje Lessingoweho gymnazija na Macherowej. To přinjese 90 nowych dźělo-

wych městnow do města. Hižo klětu chcedža projekt planować započec a lěto pozdžišo po wšěm zdaću twarske dźěla zahajić.

Tak su tež dołho trajace rozestajenja wo šulskich stejnišćach mjez Budyskim wokrjesom a městom Kamjencom z bli-da. Přetož wyša šula na Saarowej ma so po možnosti spěšnje ponowić, a hižo něšto lět zawrjeny historiski gymnazij na Henselowej tohorunja z procha stawa. To drje je najwažniši synergiowy efekt, wo dalšich hodži so rozmyslować. Běrowowu potrebu při lětanišću trochuja tuchwilu na 2000 kwadratnych metrow, dalše tysac kwadratnych metrow trjebaja za kublanske rumnosće. A dokeļ je potom hakle položca k dispoziciji

stejacych plonin wučerpana, nadzijeja so w Kamjencu dalšich dobrych hospodarskich powěsćow, wšako maja atraktiwne lětanišćo hnydom před nosom.

„Tež bliskowobchad budže so na nowe položenje nastajit dyrbjec“, žadaše sej wčera społnomócnjeny Sakskeje za informacisku technologiju dr. Michael Wilhelm. Snano so nětko tež dawno žadane přizamknjenje k syći S-železnicy zwoprawdži.

Wo nowe zasydlenje je so předewšěm zapóslanc Sakskeho krajneho sejma Alojs Mikławšk (CDU) sobu prócował, kaž wčera wuzběhnychu. Spočatnje myslachu w Kamjencu na policajsku šulu. Ju pak zaměstnja w zawrjenej wojskeje kasernje w Schneebergu.